



Broj:02- 03-441 /17
Fojnica, 24.03.2017 godine

Na osnovu člana 8.Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06) , člana 39.Statuta Općine Fojnica – Prečišćeni tekst („Službene novine Općine Fojnica, broj: 2/15) i Odluke o komunalnom redu Općine Fojnica, („Službene novine Općine Fojnica“, broj: 4/14), Općinski načelnik donosi,

ODLUKU

o proglašenju mjeseca aprila mjesecom čistoće na području općine Fojnica

Član 1.

Ovom Odlukom mjesec april proglašava se mjesecom čistoće, odnosno mjesecom pojačanog uredjenja općine Fojnica,

Pod uredjenjem iz stava 1. ove Odluke podrazumijeva se poboljšanje estetskog izgleda općine Fojnica koje će se postići uredjenjem svih javnih površina, objekata koji su postavljeni na javnim površinama, uredjenje spoljnih dijelova zgrada i zemljišta oko zgrada, dvorišta, bašta i ograda, riječnih obala i korita rijeka, rekreacionih površina, uklanjanje dotrajalih objekata, sanacija divljih deponija, ispravno odlaganje otpada, te poboljšanje cjelokupne komunalne higijene na cijelom području općine Fojnica.

Član 2.

Građani, privredna društva, udruženja građana kao i druga pravna lica dužni su svojim ponašanjem i aktivnostima da se uključe u provođenju mjera iz člana 1. ove Odluke.

Kao izraz zajedničkih interesa svih građana općine Fojnica, mjesne zajednice trebaju da budu mjesto za pokretanje inicijative, predlaganje mjera i akcija za uredjenje njene teritorije.

Član 3.

U cilju što kvalitetnijeg provođenja aktivnosti na uredjenju općine Fojnica u mjesecu aprilu zadužuje se Služba za stambeno-komunalne poslove, Služba za civilnu zaštitu i inspeksijski nadzor da utvrdi prijedlog Plana aktivnosti u mjesecu čistoće na području općine Fojnica i Plan potrebe za sadnicama cvijeća, korpama za otpad, parkovskim klupama i slično.

Član 4.

Obavezuje se JKP “Šćona” Fojnica da se pored svojih redovnih aktivnosti dodatno angažuje u toku mjeseca aprila.

Član 5.

Ova Odluka stupa na snagu danom donošenja i biće objavljena u Službenim novinama Općine Fojnica.

